

2017 жылы "Еуразиялық апта" форумын өткізу туралы

Еуразиялық Экономикалық Кеңес комиссиясының 2017 жылғы 3 наурыздағы № 7 Өкімі

Еуразиялық үкіметаралық кеңестің 2015 жылғы 29 мамырдағы "Эспортты дамытуға бағытталған шаралар туралы" № 2 шешімінің 4-тармағын іске асыру мақсатында:

1. 2017 жылғы тамызда Қазақстан Республикасында "ЭКСПО-2017" алаңында "Еуразиялық апта" форумын (бұдан әрі – форум) өткізумен келісілсін.

2. Еуразиялық экономикалық одаққа мүше мемлекеттер (бұдан әрі – мүше мемлекеттер) үкіметтерінен және Еуразиялық экономикалық комиссиядан (бұдан әрі – Комиссия) форумды ұйымдастыруға және өткізуге жәрдемдесу жөніндегі мәселелерді пысықтау сұралсын.

3. Мүше мемлекеттер үкіметтерінен осы Өкім күшіне енген күннен бастап 15 күндік мерзімде форумның ұйымдастыру комитетінің (бұдан әрі – ұйымдастыру комитеті) құрамына енгізу үшін, қажет кезінде оған бизнес-қоғамдастық өкілдерінің қатысуын көздей отырып, Комиссияға кандидатуралар беру сұралсын.

4. Комиссия мүше мемлекеттердің үкіметтерімен өзара іс-қимыл жасай отырып, форумға мемлекеттік құрылымдардың, бизнес-қоғамдастықтардың өкілдерін, үшінші елдердің өкілдерін қоса, басқа да қатысушыларды ерте бастан шақыруды көздестірсін.

5. Комиссия Алқасы:

мүше мемлекеттердің және Комиссияның өкілдерін енгізе отырып, Комиссия Алқасының мүшесі басшылық жасайтын ұйымдастыру комитетінің құрамын бекітсін; ұйымдастыру комитетінің қызметін қамтамасыз етсін.

6. Ұйымдастыру комитеті форум бағдарламасын әзірлеу кезінде Экономикалық ынтымақтастық және даму ұйымымен өзара іс-қимыл мәселелері жөніндегі іс-шараларды көздестірсін.

7. Осы Өкім қабылданған күнінен бастап күшіне енеді.

Еуразиялық экономикалық комиссия Кеңесінің мүшелері:

Армения Республикасынан В. Габриелян	Беларусь Республикасынан В. Магюшевский	Қазақстан Республикасынан А.Мамин	Қырғыз Республикасынан О. Панкратов	Ресей Федерациясынан И. Шувалов
--	---	---	---	---------------------------------------

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК